

平陰縣志卷二

輿地志

沿革

志圖經而輿地在其中矣茲不幾駢拇耶曰合古今而志之也詩曰高岍爲谷溪谷爲林地以時遷滄海桑田感慨繫之士君子過都越國猶將訪其故老而究其因革之所存况生茲域者乎一旦有博雅若鄭僑吳札之流登高憑弔相與屈指廢興問之不知知而不悉何辭以對焉

卷二 沿革第二

平陰縣志

卷二

唐虞夏商爲兖州之域

見圖書編

按禹貢東原底平而本邑實東原之陰又爲河流所經古疆域應屬兖州

周爲盧地平陰古城在內武王未下車封堯後於鑄卽平陰地後屬齊爲譚子國

春秋戰國并屬齊時有盧城平陰城京茲城皆城也而平陰實統之

按譚子娶於齊詩云譚公惟私是也春秋魯莊公十年齊師滅譚譚子奔莒又古今姓統平陰古齊

科譚子之後為秦所滅因以為氏

併天下廢封建為郡縣分天下為三十六郡屬東郡

漢為盧縣屬泰山郡 地理志盧都尉治濟北王都也

按春秋諸侯伐齊齊遁晉師入平陰趙武韓起以上軍圍盧弗克是盧在平陰境內漢有盧無平陰殆省平陰入盧耳

東漢仍盧縣改屬濟北國

平陰縣志

卷二

二

魏晉皆因之永嘉後沒於石氏劉宋平河南復之宋末沒於元魏屬濟北郡

隋初因之開皇十六年以其地置榆山縣大業二年旋改曰平陰復齊故城名也

按榆城在今縣西北二十里榆山下然考之西北無故址亦不知榆山為何山其地瀕河或湮沒無存而山名寔時改易遂莫得而稽云

唐武德四年屬濟州貞觀元年分天下為十道屬河南道鄆州太和六年省入盧及東阿二縣開成二

平陰縣志

平陰置平陰屬鄆州東平郡

宋初因唐宣和元年屬京東西路東平府

金改山東西路東平府縣仍屬焉

元屬山東東西道東平路總管府至元十三年割石

橫衝魚鷺灣孝里等四鄉置肥城縣先是唐省肥

城入乾封宋省乾封入平陰至是復置肥城縣

明初屬東平府後東平降為州縣隨州改屬兗州府

編戶一十六里增為十九里復併為十五里

大清仍舊為縣屬東平州隸兗州府

平陰縣志

卷二

三

疆域

疆域之設畫之者人也卽其所畫之處州火無運民人聚處而諸音類殊習尚已異地之所分若有人焉限之故立關譏以禦暴客表宅里以別民居通郵驛以便行人非辨疆域不可古人蝗不入境則有誦以鄰爲祭則有譏彼不報橫瓜之郤而結梁楚之讎莫忍爭桑之忿而搆楚吳之怨安靜之福多事之禍起于微而至于著可不念哉可不念哉志疆域第三

東西廣五十里

南北袤一百里

平陰縣志

卷二

四

東至肥城界二十里

西至東河界三十里

南至東平界五十里

北至長清界五十里

東到肥城縣七十里

西到東阿縣五十里

南到東平州一百里

北到長清縣九十里

東南到寧陽縣一百五十里

東北到長清縣九十里

西北到茌平縣八十里

西南到濰張縣一百四十里

自縣抵本府二百五十里至省城一百六十里抵

京師九百五十里

星野

志星野何志妖祥也志倏閃禳也昔人云五緯贏縮無準天道幽遠或應或不應君子道其常爾然鄭僑辨參商之野梓慎占宋鄭之心為宋分景公有善言三而退舍太白犯東井為秦分符生謂星渴入井為不足惟而秦亡星野之驗章章也今天下尺地莫非王有使太史觀星而奏妖祥之所在庸詎非王省惟歲之一助耶且夫賢人合而德星聚月犯少微而處士當之賢者之聚散存亡動

平陰縣志

卷二

五

應列宿亦有志所宜勉也志星野第四

司馬遷史記曰燕齊之疆候在辰星占於虛危

平陰古齊地

班固漢書曰北宮玄武虛危危為蓋屋

宋天文志曰蓋屋之下中無人但空虛明則天下安不明則旱歎邪上下不正享祀不恭動將有喪

隋書危三星主天府天庠架屋不明容有誅動則王者作宮殿有土功

春秋運斗樞曰虛危之精流為青州分為齊國女須虛也玄枵危也

青州地志曰虛危爲齊分星曰玄枵宮曰寶瓶時曰
唐一行山河兩界圖南紀之東河爲北河江爲南河
自北河下流南距泰山爲三齊自南河下流北距
泰山爲鄒魯皆負海之國貨殖之所聚也降婁玄
枵與山河首尾相遠隣顓頊之墟其地爲南河之
北北河之南界自岱宗至於東海

歐陽脩唐天文志曰須女虛危玄枵也顓頊女五度
餘二千三百七十四秒四少中虛九度終危十二

平陰縣志

卷二

七

度其分野自濟北東踰濟水涉平陰至於山莊循
岱嶽衆山之陰東南及齊密又東盡萊夷之地得
漢北海千乘淄川濟南齊郡及平原渤海九河故
道之南瀕於碣石

齊記曰祝淳于萊譚寒及斟尋有過有鬲蒲姑氏
之國其地得媿皆之下流自濟東達於河外故其
象著焉天津絕雲漢之陽凡司人之星與羣臣之

星皆在虛危故岱宗爲十二諸侯受命之府

齊人危一度又云齊國入虛六度

明朝清類天文分野書云女虛危在子自女一辰至危十二度屬齊地

平陰縣志周地仰七星張之分野今之河南雒陽穀城平陰偃師鞏緱氏是其分也按穀城似東阿平陰似此平陰而實非也漢時泰山郡止有盧無平陰而河南郡所屬乃有之蓋名同而實異也高祖得趙將司馬卬將渡河入關沛公乃北攻平陰絕河流卽此

山川之神順爲雲雨逆爲旱澇一邑之命繫之且詩曰維嶽降神生甫及申燕趙之士厚重而鈍吳越之士慧秀而夸有餘不足雖曰天賦亦地產使然也平陰諸山支分岱宗爲古帝土燔柴瘞玉之重望而濁河清濟環繞之分嶽瀆之靈所從來也故其間鍾清淑之氣而出者代不乏人是用縷晰而條分之不獨爲一邑之表也要其功德有不可忘者志山川第五文山卽五姑山在縣南二里其狀如几一邑之案山平陰縣志

鳳山在縣南三里邑人張宗敞疏洞其上雜植松栢桃杏方春如張錦幄爲士女遊賞之所

龍山在縣南五里山腹栲栳峪有甘泉旱澇不涸有詩見藝文山南有姜公洞邑人姜昂所鑿也

大菩薩山在縣南十里上有古寺

秀屏山在縣南十五里見曹學佺名勝志

黑山在縣南二十里下有巡檢司故址其山兩峰對峙遙邈數里荆榛彌望僅通鳥道亦險途也

孤山在縣南二十五里

大荆山在縣南二十五里

紫蓋山在縣南三十里山腹有孔子教書堂其麓曰孔子村弘治間知縣王綸重脩肖先師四配像守以二戶春秋祀之歲久圯趙生鶴率衆建於山椒有碑記後天啟間復圯知縣茹時芳移築舊址東向前大路傍知縣王自謹立碑大書杏壇遺響四字爲邑八景之一見藝文

赤溝山在縣南五十里其山西連大嶮南接鵬鶚嶺

平陰縣志

卷二

九

峯嶽砢研實稱異險地方有變卽爲盜藪

峻玉山在縣北里許其山雨後出石英明瑩如玉無

大小皆入稜故名爲邑八景之一

龍骨山在縣東北五里爲古龍蛻骨處上有祠祠有

于文定公碑記

朋山又名蓮花山在縣北八里其下爲濟瀆所經黃

河決衝張秋併流入濟水至山麓

曾僊山在縣東門外有日會僊觀山北石有巨履

跡相傳爲仙人跡

尖山在縣東三里聳峭如百仞峰

寨山在縣東二十里石磴盤紆草樹蒙茸上下可里許

孝姑山在縣東三十里山前有四女塚人代無考

陶山在縣東五十里越范蠡載西施浮五湖至齊爲
鳴夷子皮之陶爲朱公朱公以爲陶天下之中諸
侯四通貨物所交易也乃治產積居與時逐十九
年之中三致千金故世稱富者皆曰陶朱公今山
南五里尚有朱公塚見史記山有范蠡洞西施洞

平陰縣志

卷二

十

繫船椿等故蹟有七十餘洞泉聲濺濺冬夏不涸
寺宇宮觀蘿木花竹令人應接不暇山北嶺古廟
巋然有隋文中子王通石刻洞靈觀三大字真勝
槩也今割入肥城界

西寨山在縣西十里

龜山在縣西十五里卽龍橋山也上有壽峰寺爲唐
時所築見名勝志

金牛山在縣西十八里山形似卧牛故名

聖容山在縣西二十里

鄒山在縣西春秋魯襄公十八年晉會諸侯同伐齊
魏絳樂盈以下軍克邾注平陰西有鄒山又按傳
克京茲下有圖盧弗克之語其爲平陰無疑通志
收入濟寧誤矣

庫山在縣東南二里許土產全蠶出此者最爲上品
磨盤山在縣東南五里其形如磨故名

大檀山在縣東南十二里

函山在縣東南十五里舊名賢子峪中有古刹四圍

山色如黛曲澗潺湲古木蒼蔚邑人張宗旭募緣

平陰縣志

卷二

十一

聳寺建石亭其上有碑記見藝文

黃麓山在縣東南十八里天日曠明登峰東望泰山
遠如屏障

合山卽土樓山在縣西南三里許村人以陶冶爲利
石峽山在縣西南十五里山水秀聳卽王明道廣道
二先生故居

水山在縣西南二十五里有泉大旱不涸古栢蟠壑
數千株皆根無寸土而附着石上玲瓏嵌空不可
方物上有寶峰寺巔有寶峰搶爲邑八景之一

平陰山在縣西南三十里為東阿平陰之限嶺有石
鑿門通往來春秋齊隱公三年十月有石門齊鄭盟
於石門尋盧之盟也注盧齊地山子薄暮時返觀
絕在赤霞從孔中透射如長虹之亘天崇祖開堯
司理李恪立石書小雲門三字為邑八景之一
龍化山在縣西南三十里元孝子李欽所居

夢山在縣西南三十里上有寺山洞鑿空如亭故
有山廟碑記見藝文

菩薩山在縣西南四十里上有天香寺寺前何公

平陰縣志 卷二 十一

晏刻石題曰賽蓬萊

茅峪山在縣西南四十里百二僊翁故居西園險絕

其裔孫劉請業築琴臺嘯月臺雜植花

七丈許寬可數尺為木橋飛渡去橋卽人獸雙絕

矣

九峪山在縣西南五十里接連東阿諸山崎嶇遠密

樵採弗及易為盜穴

巫山在縣東北左傳魯襄公十八年晉會諸侯之

伐齊齊侯 魯公登巫山以望晉師晉人使司馬

山澤之險雖所不至必施而疏陳之斤裝也疏建旌旗以為陳

示衆也使乘車者左實右僞以施先僞以衣服為人形也建旗以先

驅輿曳柴而從之以揚塵齊侯見之畏其衆也乃脫

歸脫不張旗幟丙寅晦齊師夜遁師曠告晉侯曰烏鳥

之聲樂齊師其遁邢伯告中行伯獻子曰有班馬

之聲班別也夜遁馬不相見故鳴齊師其遁叔向告晉侯曰城

上有烏齊師其遁十一月丁卯朔入平陰遂從齊

師即此山上有石室乃漢孝子郭巨葬母處世謂

之孝堂東壁有蔡邕八分書為世所珍

平陰縣志 卷二 十三

榆山在縣西北二十里

按隋廢盧置榆山縣即此山之北今失所在

敖山具山

按申繻所謂先公獻武廢二山者即此今未知在

在

芳陘山東觀書云棘鄉有芳陘山棘鄉即鑄鄉

平陰今不知所在

大清河在縣西迤北近者二里遠者十里即濟瀆

水即沅水發源王屋三伏三見汶水自泰安出者

由寧陽界西南流至汶上北泗汶村至東平南西北流入東阿界又東北經平陰肥城長清齊河蒲臺利津入海禹貢所謂又東北會於汶又北東入於海者是也自廢海運開會通河盡遏汶水入河於是入海道塞汶水既入運河者又從張秋分流復由故道會諸州縣溝泉之水入於海成化甲午叅政唐源潔修大小清河大學士劉璐記謂自張秋濬至平陰之滑口鎮大清通矣卽此河是也鹽運所經俗又呼爲鹽河云

平陰縣志

卷二

按海運若行則此說亦便旣開會通河則汶水自應併入會通若張秋一決則濟河勢下汶水不復向北會通必有阻淺之虞劉公所論非達時宜知治漕之要者也

酈道元水經注濟水又北經平陰城西

河紀黃河去縣十里

按縣北原有黃河故道俗云老黃河者是也此河與滑之瓠子河大名之馬頰河俱通故或決荊隆口或決大王廟直衝張秋卽東阿平陰受其滄沒

明興曾決數次而舊志不載歲久隄防盡失居民
輒於安常日順治七年忽決連漲六載城外存魚
至牛角店寬可三十里高及山麓士庶張皇失措
宰縣盡爲澤國使天不厭禍民其魚矣惟且驩鎮
賀家寺水不能侵詳志之以示後人知所趨避云
新開河在縣西十里卽濟之下流南岸有山曰蹲龍
有磐石跨河舟行患焉宋張方平乃鑿新河引水
北行避之民甚稱便

柳溝泉在縣東南三十五里出高堤沙土中東南二
平陰縣志

卷二

五

十里入衡魚河又四十里入汝達會通河

按此泉澇則溢旱則竭於漕無利於民有害卽泉
夫歲支工食胥役扣剋僅獲其半畚插徒應故事
然事關河道無人敢建言議塞者

喬口泉在縣東南七里山下西北流至縣南門外東
遶城周匝西行又十里鋪西南有泉東北行至南
門外西流與此泉會又東潄水西流亦與此泉會
形如川字遇秋澄泓一派紋錯如錦故邑名錦川
以此皆入大清河爲邑八景之一

天井泉在縣東二十里山礪石井中泉勢如鉤突漣
流界道雖旱不涸北入大清河爲邑八景之一

清河

馬跑泉在縣西南五十里赤溝山北崖石竇間入水
清河

侵潤泉在水山北巖可供千人飲不涸然亦不溢南
岩泉亦如之

橋渡

橋以濟道路之窮渡又以濟橋之窮者也道路之窮
甃石為岸以橋之橋之窮造舟為梁以渡之苟且之
極或歌石蠹木類棧道之危或敗艇漏舫犯風波之
怒但視治邑者之能否為廢興焉是故國相下與則
小惠致諷刺史償粟而大功以成叢爾平陰不敢望
初月出雲長虹飲澗之巨觀也庶幾孔道要津無阻
無危廢者興興者不使廢在上而為政下而急公者
之各勉之志橋渡第六

平陰縣志

卷二

七

錦川橋在南門外由南迤西可十許丈延祐間義民

韓溫建

朱家橋在西門外三里不知何人建可丈許規模頗

狹明正員張命新重建

徐家橋在縣南五十里柳溝村之東巨石包砌可單

許明義官宋繼先建

滑石渡在縣西南二十五里舊有巡檢司今廢

大義橋在縣西十五里

康家口渡在縣西北五里

吳家渡在縣北十里爲泰安州進香孔道又臨濟商
販要路其地雲樹蒼茫東南對岸層巒疊巘月夜
汎舟如行山陰道上真畫圖也爲邑八景之一

一戶之地自...迄今更置幾何事閱歷幾何...
風勝蹟動人...慕者不當與浮...腐草俱沒...
所鍾正在我輩言及帝王之盛事恨不宥其...
歷聖賢之丘墓恨不出其門牆望古戰場而...
青燐原野風雨淒其致足傷也身如朝露所...
者功德文章爾後之視今亦猶今之視昔未...
寧獨燕趙之士多悲荆楚之人善怨哉志古...
鑄鄉城劉昭注曰周武王未及下車封堯後...
平陰縣志

卷二

志云鑄在平陰縣左傳襄公二十三年滅...
於鑄臧賈臧為出在鑄即此

按注鑄國在濟北蛇丘縣今考蛇丘有隧鄉非鑄
鄉也

古長城在縣東北通志云齊宣王所築以禦楚寇東
距大海西接平陰

按竹書云梁惠王十三年齊築防以為長城...
經泰山千餘里至瑯邪臺入海往往有壁...
蘇代說燕王曰齊有長城鉅防即此上有妻烈女

祠事見傳列

防門京相璠曰平陰齊地在濟北盧縣故城西南有防門去平陰三里

按春秋魯襄公十八年晉侯沉玉濟河冬十月會於魯齊尋溴梁之盟同伐齊齊侯禦諸平陰塹防門而守之廣里注平陰城在盧縣東北此解非是當以京相璠之說爲的又云城南有防防有門於門外作塹橫行廣一里故名此說近是名勝志以爲齊有光室齊人言光與廣同故稱廣里云

平陰縣志

卷二

三

關祭臺在縣西南二十五里康公墓之東西二臺相對

石門在縣西南三十里詳見前

政書堂在紫葢山孔子與及門講習之所

河窳亭在縣東北二十里漢章帝元和二年鳳凰集此亭復其租而巡泰山今割入肥城

案茲古齊邑通志云在平陰縣春秋魯襄公十八年晉會諸侯伐齊齊侯禦諸平陰晉師門焉齊人多死齊遁晉師入平陰道從齊師魯衛請攻險乙邲

荀偃以中軍克京茲卽此

榆城在縣西北二十里隋開皇間置今經波無考

李車店在城北二十里卽李左車故里

鞏春秋成公二年六月癸酉季孫行父滅孫許

叔孫僑如公孫嬰齊帥師會晉郤克衝孫良夫曹公子首及齊侯戰於鞏齊師敗績左傳癸酉師陳於鞏郤夏御齊侯逢丑父爲右晉解張御郤克鄭丘緩爲右齊侯曰余姑剪滅此而朝食不介馬而馳之郤克傷於矢流血及屨未絕鼓音曰余病矣

平陰縣志

卷二

三

張侯曰師之耳目在吾旗鼓進退從之此軍一也
殿之可以集事若之何其以病敗君之大事也
並轡右援枹而鼓馬逸不能止師從之齊師敗績
逐之三周華不注

石窰齊侯免遂自徐關入齊侯見保者曰之齊師
敗矣辟女子女子曰君免乎曰免矣曰曰從矣
乎曰免矣曰苟君與吾父免矣可若何乃奔齊侯
以爲有禮旣而問之辟司徒之妻也曰之石窰在
石窰邑名濟北盧縣東有地名石窰今入長清

濟北城在盧城西十五里卽濟北王都也歷漢晉南北朝皆存至隋置榆山長清二縣而盧與濟北俱廢入長清

應城在縣東北七十里故址猶存漢置今入長清
醴經堂在縣北五里宋元祐間隴西李美夫建今廢
會儒亭在城東會儒山巔植松栢其上爲遊觀登眺之所明侍御孫琬與知縣江都孫世恩建今廢
環翠堂薛德先生設教處金學士承旨党懷英元集賢學士李鑑俱有詩做齋柳敬立石紀事

平陰縣志

卷二

三

折桂亭在縣東南金時有甲氏子弟十人相繼登第仕皆顯達時人美之建此亭今廢有詩見藝文

義漿亭在縣南二十里金大定間邑人任翁作亭以濟渴者今廢

塚墓附

濟北王家相傳在康家口南山

齊康公墓在鬪祭臺

先鑑在丘明墓在衡魚今入肥城

王明在廣道二先生墓在石峽村

李翰林果齋墓在石峽村

平陰于龔秀墓在會僊山南麓

知府劉澤墓在城西北坡

知縣王環墓在子順山南

宗人府經歷鄧淳墓在王家庄西

戶部員外張德政墓在鳳山北

叅政何海晏墓在會仙山南

知州祝邦榮墓在孝直舖南

副使梁成墓在玉儿山北

平陰縣志

卷二

三

僉事劉成墓在土樓村

叅政趙雲翔墓在朱家橋西

通判趙國賓墓在安城南

知縣張承寵墓在鳳山北

叅議孫琬墓在平地樂南

知縣趙岱泉在會仙山東北

御史張鯉泉在文筆山西

戶部員外張怡墓在大留村北

舉人張禮科戶給事中孫振圖墓在城西南官庄

贈工部尚書朱同芳墓誌北鄉

平陰縣志

卷二

三

形勝

壘與家喜談形勝其言有中有不中而人樂舉其中者以爲奇盡信其言而人事廢矣然易言察乎地理詩言相其陰陽周公卜洛不居平王遷之而周以弱形勝之說似未可厚非也獨不曰有德易以王乎今必曰一邑之富貴人才匪是不爲力卽未聞乃逸旣誕而收倉箱之積載豕負塗而致冠冕之榮守愚保拙而擅文章之譽者也有仲尼而龜蒙涑泗始重未聞龜蒙涑泗之靈生幾仲尼也後之觀此者可以興平陰縣志

卷二

五

矣志形勝第八

古平陰北據盧南據京茲東有鑄鄉之勝西有石門之阨爲三齊之門戶諸山拱護河濟交環長城鉅防魚齒獸角誠所謂十二河山者於此見端倪今之平陰境地日蹙左寨山右石門羣峯案於前濟濱東其後周廻不過百里又居交之西北邠形勢不足言矣少聞青烏家言謂吳龍轉艮八手以逆取勝文章之士代不乏人但山不峭拔水多反背仕而不顯富而不綿歷稽往蹟洵爲不誣但語云在德不在險又云

人傑則地靈開濠關溯志壹氣動豈必形勢為足持

平陰縣志

卷二

美

時令

先王順陰陽之變調律呂之和酌五行生剋之數著
爲月令之書雖事至纖細而節宣輔相之道寓焉其
沿習于今者或猶有三代之意或踵襲漢唐之餘然
名是而實已非禮亡而義難詰禊飲以祓除也風之
下而士女相于淫矣寒食以爭忠也行之過而民間
至于死矣魯論曰朝服而立于阼階意其時已有以
儺爲戲者蜡舉而嘆曰大道之行也三代之英而丘
未之逮也此物此志也夫志時令第九

平陰縣志

卷二

七

正月元旦祀神祇宗祖設庭燎爆竹食餽飽進栢葉
酒貼桃符

元夜點放花燈婦人作油盞視其花十五穀綿蠶志
迎紫姑神以上休咎

十七日女紅俱停鍼指俗謂鍼刺日

二月二日俗謂之龍擡頭以灰圈倉囤食煎餅

春分日率移花栽蓮

寒食食糗禁烟事從違各半

清明日掃墓掛紙錢好遊賞者於是日携鬪具踏青

婦女作鞦韆戲戴柳

端午採艾插門戶以禳毒氣食角黍蒲觴婦女以五色絲繫兒臂為續命縷

六月六日曝衣物汲井水貯罈中躡麩釀酒

七月十五為中元令節掃墓祀祖先間有效孟蘭盆故事上供寺院者

中秋賞月食瓜酒

重陽賞菊登山食糕

臘月八日以雜米棗栗之類作粥食之謂之臘八粥
平陰縣志

卷二

天

十月一日掃墓祀祖先自此後蜡索臘祭鄉城俱隨
意為之

冬至多燕會

除夕守歲擊鼓鳴鑼舞鬼尚有古儺遺意

風俗

孔子曰甚矣魯道之衰也沐浴之間斷斷如也且少者扶老者爲之代負以涉而老者辭焉至于其聲斷斷孔子已不禁道衰之嘆使其生于今日不痛哭流涕哉嗚呼聖人嘆息不著之事皆爲今日且暮庶幾之事長此以往安知今日之嘆息者不爲異日之且暮庶幾求其止于如是而不可得者耶上之人不惟無以挽之又樹幟而爲之招建鼓而逐其後也何嗟及矣志風俗第十

平陰縣志

卷二

元

圖經人務耕桑樸而不華有古風趣

通志秦漢以降政理混同人情樸厚俗尚文學及西晉之末爲戰爭之地三百年間傷彝實甚自宇內平一又如近古之風

王公環舊志云民俗質樸士尚禮義有鄒魯之遺風何公海晏舊志云士不服羅綺女不飾珠翠交不煩虛儀席不尚多品曼德及之今皆反之矣

按平初隸齊有泱泱大國之風繼隸魯爲文學天德之域宜其醇厚常存而今昔不逮者何則時爲

之也少時尚及見士大夫守禮法鄉民知齒讓貴
不凌賤小不加大各循其分雍雍如也迨萬曆壬
戌而後變不可言矣胥役朋奸市獍飾詐子矜甘
爲豪門之鷹犬貴介忍爲當道之豺狼技勇爭以
魁莖爲榮村愚不以剽劫爲恥管子曰禮義廉恥
國之四維四維不張國乃滅亡識者已知其有復
隍之禍矣

大清定鼎嘉興更始

天子興起教化使士大夫爭相砥礪而農工商賈業

平陰縣志

卷二

三

服高曾鑒前愆後相惇和睦以應作新之化又何
澆風之不轉爲醇俗乎